

এপ্রিল ২০২৩ মাসের জেলা ইনোভেশন টিম এর সভার কার্যবিবরণীঃ

সভাপতি : মোঃ মিনহাজুল ইসলাম
অতিরিক্ত জেলা প্রশাসক (সার্বিক)
কুড়িগ্রাম।
সভার তারিখ : ১৬-০৪-২০২৩ খ্রি.
সভার সময় : বেলা- ১২:২০ টা।
সভার স্থান : অতিরিক্ত জেলা প্রশাসক(সার্বিক), মহোদয়ের কক্ষ, কুড়িগ্রাম।
সভায় উপস্থিতি : পরিশিষ্ট- “ক” (স্বাক্ষরের ক্রমানুসারে)

উপস্থিত কুড়িগ্রাম জেলার ইনোভেশন টিমের সদস্যগণকে শুভেচ্ছা জানিয়ে সভার কার্যক্রম শুরু করা হয়। নিজ নিজ অধিক্ষেত্রে ইনোভেশন কার্যক্রমের বিষয়ে সভাপতি দিকনির্দেশনামূলক বক্তব্য প্রদান করেন এবং আলোচ্যসূচি পেশ করার জন্য সহকারী কমিশনার (আইসিটি), কুড়িগ্রামকে অনুরোধ করেন। অতঃপর গৃহীত সিদ্ধান্ত বাস্তবায়নের অগ্রগতি পর্যালোচনা করার পর নিম্নোক্ত এজেন্ডাভিত্তিক আলোচনা অনুষ্ঠিত হয় এবং সর্বসম্মতিক্রমে নিম্নোক্ত সিদ্ধান্তসমূহ গৃহীত হয়ঃ

ক্রঃ নং	আলোচনা	সিদ্ধান্ত	বাস্তবায়নকারী
১।	জেলা ও উপজেলা ইনোভেশন টিমের পুনর্গঠন সম্পর্কে আলোচনাঃ যে সকল উপজেলা ইনোভেশন টিমের হালনাগাদ তথ্য পাওয়া যায়নি তাদের দ্রুততম সময়ের মধ্যে তথ্য এ কার্যালয়ে প্রেরণ করার জন্য সংশ্লিষ্ট উপজেলা নির্বাহী অফিসার, কুড়িগ্রামকে অনুরোধ করেন।	মন্ত্রিপরিষদ বিভাগের ৮ এপ্রিল ২০১৩ খ্রি. তারিখের প্রজ্ঞাপনের নির্দেশনা মোতাবেক উপজেলা ইনোভেশন টিম প্রতিনিয়ত পুনর্গঠনপূর্বক দ্রুত এ কার্যালয়কে অবহিত করতে হবে।	উপজেলা ইনোভেশন অফিসার (সকল), কুড়িগ্রাম।
২।	বিভাগীয় ইনোভেশন শোকেসিং মেলা সম্পর্কে আলোচনাঃ আসন্ন বিভাগীয় ইনোভেশন শোকেসিং (Innovation Showcasing) মেলায় উপজেলাসমূহ থেকে উদ্ভাবনী ধারণা প্রদানের জন্য উপজেলা ইনোভেশন কমিটির মাসিক সভায় আলোচনা করার জন্য অনুরোধ জানানো হয়।	উপজেলাসমূহ থেকে উদ্ভাবনী ধারণা প্রেরণ করতে হবে।	উপজেলা ইনোভেশন অফিসার (সকল), কুড়িগ্রাম।
৩।	জেলা ও উপজেলা ইনোভেশন টিমের বার্ষিক কর্মপরিকল্পনা সম্পর্কে আলোচনাঃ ২০২২-২৩ অর্থবছরে নতুন উদ্ভাবন/ধারণা প্রণয়ন ও বাস্তবায়ন অগ্রগতি বিষয়ে আলোচনা হয়। জেলা ও উপজেলা ইনোভেশন টিমের ২০২২-২৩ অর্থবছরের বার্ষিক কর্মপরিকল্পনা নির্ধারিত সময়ের মধ্যে বাস্তবায়নের জন্য সভাপতি সংশ্লিষ্ট সকলকে অনুরোধ করেন। উপজেলা ইনোভেশন টিমের অগ্রগতির সুনির্দিষ্ট তথ্য জেলা ইনোভেশন টিমের সভায় উপস্থাপনের জন্য প্রতিমাসের সভা অনুষ্ঠানের পূর্বেই এ কার্যালয়ে প্রেরণ করার জন্য উপজেলা নির্বাহী অফিসার (সকল), কুড়িগ্রামকে নির্দেশনা প্রদান করেন। ২০২২-২৩ অর্থবছরের স্ব স্ব উপজেলার বার্ষিক উদ্ভাবন কর্মপরিকল্পনা প্রণয়ন বাস্তবায়ন অগ্রগতির স্ব-মূল্যায়ন প্রতিবেদন এ কার্যালয়ে প্রেরণ করার জন্যও উপজেলা নির্বাহী অফিসার (সকল), কুড়িগ্রামকে অনুরোধ করেন।	১। ২০২২-২৩ অর্থবছরে নতুন উদ্ভাবন/ধারণা প্রণয়ন ও বাস্তবায়ন করতে হবে।	১। উপজেলা নির্বাহী অফিসার (সকল), কুড়িগ্রাম। ২। সহকারী কমিশনার (আইসিটি), কুড়িগ্রাম।

৪।	মাসিক উন্নয়ন সমন্বয় সভা ও অন্যান্য সমন্বয় সভায় ইনোভেশন আলোচনা সংক্রান্তঃ সভায় কুড়িগ্রাম জেলার ২০২২-২৩ অর্থবছরের বার্ষিক কর্মপরিকল্পনা অনুযায়ী উদ্ভাবন সহায়ক পরিবেশ তৈরির লক্ষ্যে জেলা উন্নয়ন সমন্বয় কমিটির সভা, জেলা এনজিও বিষয়ক সমন্বয় কমিটির সভা, জেলা রাজস্ব সভা, জেলা পর্যায়ের অন্যান্য সভা ও মাসিক স্টাফ মিটিংয়ের আলোচ্যসূচীতে ‘উদ্ভাবন উদ্যোগ’ অন্তর্ভুক্তকরণ এবং Innovative উদ্ভাবক ও বাস্তবায়নকারীদের প্রণোদনা প্রদান ও উদ্যোগী কর্মকর্তা/কর্মচারীদেরকে বিভিন্ন পর্যায়ে পুরস্কার প্রদান বিষয়ে বিস্তারিত আলোচনা হয়। সভাপতি উদ্ভাবন সহায়ক পরিবেশ তৈরির লক্ষ্যে জেলা ও উপজেলা পর্যায়ে অনুষ্ঠিত সভাসমূহে ‘উদ্ভাবন উদ্যোগ’ অন্তর্ভুক্ত করে নিয়মিত আলোচনা করার জন্য উপপরিচালক, স্থানীয় সরকার, কুড়িগ্রাম, অতিরিক্তি জেলা প্রশাসক (সার্বিক) /(রাজস্ব)/ অতিরিক্তি জেলা ম্যাজিস্ট্রেট, কুড়িগ্রাম ও উপজেলা নির্বাহী অফিসার (সকল), কুড়িগ্রামকে অনুরোধ করেন।	উদ্ভাবন সহায়ক পরিবেশ তৈরির লক্ষ্যে জেলা ও উপজেলা পর্যায়ে অনুষ্ঠিত সভাসমূহের আলোচ্যসূচীতে ‘উদ্ভাবন উদ্যোগ’ অন্তর্ভুক্ত করতে হবে।	১। উপপরিচালক, স্থানীয় সরকার, কুড়িগ্রাম, ২। অতিরিক্তি জেলা প্রশাসক (সার্বিক)/ (রাজস্ব)/বিজ্ঞ অতিরিক্তি জেলা ম্যাজিস্ট্রেট, কুড়িগ্রাম। ৩। উপজেলা নির্বাহী অফিসার (সকল), কুড়িগ্রাম।
৫।	ইনোভেশন টিম এর কার্যপরিধি সম্পর্কে আলোচনাঃ সভায় ইনোভেশন টিমের কার্যপরিধি সম্পর্কে উপস্থিত কর্মকর্তা/সদস্যবৃন্দ আলোচনা করেন। প্রতিমাসে ইনোভেশন টিমের সভা অনুষ্ঠান, কর্ম-পরিকল্পনার বাস্তবায়ন অগ্রগতি পর্যালোচনা এবং মাসিক সমন্বয় সভায় উপস্থাপনের বিষয়ে আলোচনা করা হয়। মন্ত্রণালয়/বিভাগ/দপ্তর/জেলা/উপজেলা পর্যায়ে গঠিত সংশ্লিষ্ট অন্যান্য ইনোভেশন টিমের সাথে যোগাযোগ ও সমন্বয় সাধন এবং বাৎসরিক কর্মপরিকল্পনা অনুযায়ী কার্যক্রম গ্রহণ করার জন্য সভাপতি উপজেলা নির্বাহী অফিসার (সকল), কুড়িগ্রামকে অনুরোধ করেন।	১। জেলা ইনোভেশন টিমের বাৎসরিক কর্মপরিকল্পনা অনুযায়ী কার্যক্রম গ্রহণ করতে হবে। ২। উপজেলা পর্যায়ে ইনোভেশন টিমের সুনির্দিষ্ট তথ্যসহ আগামী সভায় উপস্থাপনের জন্য এ কার্যালয়ে প্রেরণ করতে হবে।	১। উপজেলা নির্বাহী অফিসার (সকল) কুড়িগ্রাম ২। সহকারী কমিশনার(আইসিটি) কুড়িগ্রাম।
৬।	উপজেলা ইনোভেশন টিমের সভা সম্পর্কে আলোচনাঃ উপজেলা ইনোভেশন টিমের সভায় গৃহীত সিদ্ধান্তসমূহের অগ্রগতি পর্যালোচনা করা হয়। উপজেলা ইনোভেশন টিমের মাসিক সভাকে আরও কার্যকর ও গতিশীল করার ব্যাপারে আলোচনা করা হয়। প্রতিমাসে উপজেলা ইনোভেশন টিমের সভা করে নতুন ইনোভেশন প্রস্তাব/ আইডিয়া গ্রহণ করতে সংশ্লিষ্ট সকলকে অনুরোধ করেন। সভাপতি প্রতিটি উপজেলা হতে ইনোভেশন প্রস্তাব আহবান করেন। জেলা ইনোভেশন টিমের সভার ১ (এক) সপ্তাহ পূর্বে উপজেলা ইনোভেশন টিমের সভা নিয়মিত অনুষ্ঠানপূর্বক উপজেলা ইনোভেশন টিমের সভার কার্যবিবরণী ওয়েব পোর্টালে আপলোড এবং পরবর্তী মাসের ৭ তারিখের মধ্যে এ কার্যালয়ে প্রেরণ করার জন্য পুনরায় অনুরোধ করেন।	১। প্রতিমাসে উপজেলা ইনোভেশন টিমের সভা করে সভার কার্যবিবরণী স্ব স্ব ওয়েব পোর্টালে আপলোড এবং পরবর্তী মাসের ৭ তারিখের মধ্যে এ কার্যালয়ে আবশ্যিকভাবে প্রেরণ করতে হবে। ২। উপজেলা থেকে ইনোভেশন প্রস্তাব প্রেরণ করতে হবে।	উপজেলা ইনোভেশন অফিসার (সকল) কুড়িগ্রাম ও সহকারী কমিশনার (আইসিটি), কুড়িগ্রাম
৭।	উদ্ভাবন সহায়ক পরিবেশ তৈরী সম্পর্কে আলোচনাঃ প্রতিটি সরকারি দপ্তরে নিজ অধিক্ষেত্রে উদ্ভাবন সহায়ক পরিবেশ তৈরীর উপর গুরুত্বারোপ করে সভাপতি জানান, নিজ দপ্তরে নিয়োজিত জনবলের সচেতনতা ও দক্ষতা বৃদ্ধিমূলক প্রশিক্ষণ, সেমিনারসহ অন্য দপ্তরের উদ্ভাবনী উদ্যোগ পরিদর্শনের ব্যবস্থা করতে হবে। এতে মানসিকতার পরিবর্তন সাধিত হবে এবং নতুন উদ্ভাবনী উদ্যোগ বৃদ্ধি পাবে।	উদ্ভাবন সহায়ক পরিবেশ তৈরি করতে হবে।	সংশ্লিষ্ট দপ্তর প্রধান (সকল), কুড়িগ্রাম।

৮।	জেলা ও উপজেলা ওয়েব পোর্টাল সম্পর্কে আলোচনাঃ জনগণ যাতে সঠিক তথ্য ওয়েব পোর্টাল হতে সংগ্রহ করতে পারে সে লক্ষ্যে সভায় জেলা, উপজেলা ও ইউনিয়ন ওয়েব পোর্টালে বাংলা ও ইংরেজি উভয় ভাষাতেই তথ্য সংযোজন ও নিয়মিত হালনাগাদকরণ বিষয়ে বিস্তারিত আলোচনা করা হয়। সহকারী কমিশনার (আইসিটি) কুড়িগ্রাম সভায় অবহিত করেন যে, ওয়েব পোর্টাল হালনাগাদকরণ একটি চলমান প্রক্রিয়া। এটি সবসময় হালনাগাদ করা প্রয়োজন। ওয়েব পোর্টাল হালনাগাদকরণের জন্য সংশ্লিষ্ট অফিসে ইউজার আইডি ও পাসওয়ার্ড সংরক্ষিত রয়েছে। এমতাবস্থায় প্রত্যেক দপ্তরের ইউজার আইডি ও পাসওয়ার্ড সংরক্ষণ করাসহ হ্যাকিং রোধে প্রয়োজনীয় ব্যবস্থা গ্রহণ করার জন্য অনুরোধ করেন। ওয়েব পোর্টালসমূহকে নিয়মিতভাবে মানসম্মত তথ্য দ্বারা হালনাগাদের জন্য মাননীয় প্রধানমন্ত্রীর কার্যালয়, মন্ত্রিপরিষদ বিভাগ ও অন্যান্য উর্ধ্বতন দপ্তর হতে নিয়মিত তাগিদ প্রদান করা হচ্ছে। সভাপতি জেলার সকল সরকারি বিভাগ/দপ্তরের স্ব স্ব তথ্য বাতায়ন হালনাগাদকরণের বিষয়ে গুরুত্বারোপ করেন এবং তথ্য বাতায়নের লিংকসমূহে সংশ্লিষ্ট অফিসের কর্মকর্তা-কর্মচারীগণকে বিভিন্ন চিঠিপত্র, সভার কার্যবিবরণী, হেল্পলাইন, বাৎসরিক কর্মপরিকল্পনা ইত্যাদিসহ অন্যান্য পর্যাপ্ত তথ্য নিয়মিত আপলোড করে হালনাগাদকরণের নির্দেশনা প্রদান করেন।	১) জেলা, উপজেলা ও ইউনিয়ন পোর্টালে পর্যাপ্ত তথ্য বাংলা ও ইংরেজি উভয় ভাষাতেই হালনাগাদ করতে হবে। ২) জেলার সকল সরকারি দপ্তরকে তার নিজ নিজ পোর্টালকে হালনাগাদ রাখতে হবে। ৩) জেলা ও উপজেলা পর্যায়ের সকল সরকারি বিভাগ/দপ্তরের বিভিন্ন ধরনের তথ্য স্ব স্ব তথ্য বাতায়নে হালনাগাদকরণের পদক্ষেপ গ্রহণ করতে হবে।	১। জেলা ও উপজেলা ওয়েব পোর্টাল এর ফোকাল পয়েন্ট কর্মকর্তা ২। উপজেলা নির্বাহী অফিসার (সকল), কুড়িগ্রাম। ৩। সহকারী কমিশনার(আইসিটি)কুড়িগ্রাম। ৪। সংশ্লিষ্ট সকল, কুড়িগ্রাম।
৯।	সেবা প্রদানে ইনোভেটিভ আইডিয়া এর কার্যক্রম সম্পর্কে আলোচনাঃ মাননীয় প্রধানমন্ত্রী শেখ হাসিনা ঘোষিত স্মার্ট বাংলাদেশ বিনির্মাণের অংশ হিসেবে নাগরিক সেবা সহজীকরণের জন্য ইনোভেশন কার্যক্রমকে আরও গতিশীল করার লক্ষ্যে জেলা ও উপজেলা পর্যায়ে বিভিন্ন বেসরকারি প্রতিষ্ঠান ও এনজিওসমূহে ইনোভেটিভ আইডিয়া আছে যা স্বল্প যাতায়াত, সময় ও খরচে সম্পন্ন হয় তা নিয়ে সভায় আলোচনা করা হয়। ইনোভেশন কার্যক্রম আরও গতিশীল করার বিষয়ে গুরুত্বারোপ করে জেলায় বাস্তবায়নাধীন ইনোভেশন প্রকল্পগুলো সফলভাবে এগিয়ে নিতে সকল দপ্তর প্রধানগণকে সক্রিয়ভাবে কাজ করার জন্য সভাপতি অনুরোধ করেন। সভাপতি জানান সমবেত বা সমবায়ভিত্তিক প্রয়াস যে কোন সফলতার মাত্রাকে বহুগুণে বর্ধিত করে। তৃণমূল পর্যায়ে থেকেই মূল উদ্ভাবন সূচিত হয়। আর সেক্ষেত্রে সাফল্যের সম্ভাবনাও থাকে অনেক বেশি। এই লক্ষ্যে প্রত্যেক দপ্তরকে নতুন নতুন ইনোভেটিভ আইডিয়া গ্রহণপূর্বক এটুআই ও মন্ত্রিপরিষদ বিভাগে প্রেরণপূর্বক সংশ্লিষ্ট অফিসে বাস্তবায়ন বিষয়ে আলোচনা করা হয়।	১) জেলা ও উপজেলা পর্যায়ে বিভিন্ন বেসরকারি প্রতিষ্ঠান, এনজিওসমূহ ও জেলা পর্যায়ের সকল দপ্তর/বিভাগ, উপজেলা নির্বাহী অফিসার (সকল), কুড়িগ্রাম ও কোর অফিসারকে নতুন নতুন ইনোভেটিভ আইডিয়া গ্রহণ করে এ কার্যালয়ে প্রেরণ করতে হবে। ২) জেলার অন্যান্য সকল সরকারি দপ্তরকে ইনোভেটিভ উদ্যোগ গ্রহণ করতে হবে।	১) জেলা ইনোভেশন অফিসার, কুড়িগ্রাম। ২) জেলার সংশ্লিষ্ট সকল সরকারি দপ্তর প্রধান।

আর কোন আলোচ্য বিষয় না থাকায় সভাপতি এ জেলার বিভিন্ন দপ্তরের কাজের গতিশীলতা বৃদ্ধির লক্ষ্যে মন্ত্রিপরিষদ বিভাগ কর্তৃক প্রণীত পরিপত্রের বিধান অনুসরণের পাশাপাশি নতুন কর্মপরিকল্পনা গ্রহণের জন্য উদ্যোগ নেওয়ার অনুরোধ জানান। একইসাথে ইনোভেটিভ আইডিয়া নিয়ে জনমুখী সেবাকে আরও গতিশীল করার সর্বাঙ্গিক প্রচেষ্টা গ্রহণের অনুরোধ জানিয়ে সভার সমাপ্তি ঘোষণা করা হয়।

মোঃ মিনহাজুল ইসলাম
(উপসচিব)

অতিরিক্ত জেলা প্রশাসক (সার্বিক), কুড়িগ্রাম

ও
সভাপতি

জেলা ইনোভেশন টিম।

ই-মেইলঃ adcgkurigram@mopa.gov.com



গণপ্রজাতন্ত্রী বাংলাদেশ সরকার
জেলা প্রশাসকের কার্যালয়
কুড়িগ্রাম
আইসিটি শাখা
www.kurigram.gov.bd


স্মারক নং-০৫.৪৭.৪৯০০.০২৬.২৯.০০৩.১৮.৫৯

তারিখঃ ০৫ বৈশাখ, ১৪৩০
১৮ এপ্রিল, ২০২৩

অনুলিপি সদয় অবগতি/ অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো :

- ১। মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
- ২। বিভাগীয় কমিশনার, রংপুর বিভাগ, রংপুর।
- ৩। জেলা প্রশাসক, কুড়িগ্রাম।
- ৪। উপজেলা নির্বাহী অফিসার (সকল), কুড়িগ্রাম (তঁাকে উপজেলাস্থ সকল দপ্তর/বিভাগকে অবহিতকরণের অনুরোধ করা হলো)।

৫।
.....


রেদওয়ান ইসলাম

সহকারী কমিশনার (আইসিটি)

ফোনঃ ০২৫৮৯৯-৫০০৪০

ই-মেইলঃ acictkurigram@mopa.gov.bd